



## **Aningaasaqarnermut Naligiissitaanermullu Naalakkersuisoq**

**Ulloq:** 26. september 2022  
**J.nr.:** 01.31.06/20-00993

### **Aningaasaqarnermut Akileraartarnermullu Ataatsimiititaliap ataasinngornermi ulloq 19. september 2022-mi aalajangiineranik Naalakkersuisunut ilisimatitsineq.**

**Timersornermut tapiissutit annerusumik tapiissuteqartoqarnissaanut aningaasanik  
immikkoortitanik atuinissaq pillugu ilassutitut aningaasaliissutinik qinnuteqaat.  
Ataatsimiititaliap suliaa nr. 01.31.06/22-00993.**

“Naalakkersuisunit inassutigineqarpoq,

- kontumi pingaarnermi, 40.94.13 Timersornermut tapiissutit, 1.000.000,00 kr.-nik amerlineqassasut.
- kontumi pingaarnermi, 40.94.14 Nuna tamakkerlugu meeqqat inuusuttullu suliniaqatigiiffinnut tapiissutit, aningaasaliissutit 335.000,00 kr.-nik ilanngaavigineqassasut
- kontumi pingaarnermi, 20.11.50 Ingerlatsineranut sillimmatinut, aningaasaliissutit 665.000,00 kr.-nik ilanngaavigineqassasut.”

### **Aningaasaqarnermut Akileraartarnermullu Ataatsimiititaliap oqaaseqaatai apeqqu- taalu:**

Qinnuteqaatip tigonera ataatsimiititaliamit qujassutigineqarpoq. Ataatsimiititaliap suliamut apeqqutissaqarpoq aalajangiinissamilu Naalakkersuisullu akissutaasa tiguneqareernissaata tungaannut kinguartinnissaa toqqarlugu.

#### **Apeqqut: 1**

Ukiup ingerlanerani aningaasaliiffigineqarpoqqinnissamik qinnuteqaatit Naalakkersuisoqarfiup suliassaqarfiata iluani taartitut sipaarutissatut siunnersuummik ilaqartinneqarnissaannik malittarisassaq Naalakkersuisunit malinneqarmat ataatsimiititaliamit nuannaarutigineqarpoq.

- a) Aningaasat sooq konto pingaarnermi nuna tamakkerlugu meeqqanut inuusuttunullu sulianiaqatigiiffinnut tapiissutinut tunngasumerpiaq aneqarnissaat itisilerneqassasooq ataatsimiititaliamit kissaatigineqarpoq. Konto pingaarnernup 40.94.14-ip appaaviginera sunik kinguneqarnerluttussatut naatsorsuutigineqarpoq?
- b) Suliassaqarfimmit iluani konto pingaarnermi allamit nuussinissaq imaluunniit aningaasaliissutit matumani pineqartut ingerlatsineranut sillimmatinut tigusinikkut aningaasalerneqarnissaat Naalakkersuisunit periarfissatut isumaliutigineqarsimava?

#### **Apeqqut: 2**

Konto pingaarnep N 2021-mi atuinikinneruffiusimasooq ataatsimiititaliamit maluginiarneqarpoq. Naalakkersuisut ukioq manna atuinikinnerunissamik naatsorsuutiginninnerat N 2021-mi atuinikinnerunermut pissutaasut assinginik pissuteqarpoq?

**Aningaasaqarnermut Akileraartarnermullu Ataatsimiititaliap aalajangiinera**  
Siuliani allassimasutut oqaaseqaateqarluni suliap aalajangiiffiginissaa Aningaasaqarnermut  
Akileraartarnermullu Ataatsimiititaliamit **kinguartinneqarpoq.**

Inussiarnersumik inuulluaqqusillunga

Hans Peter Poulsen  
Aningaasaqarnermut Akileraartarnermullu Ataatsimiititaliap siulittaasua